



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 33. Gallorum victoria.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

Sæcul. XVI. raro discernendi copia erat, donec Ita-
A.C. 1509. lorum peditatus tanto impetu in Gallos
 pedites effunderetur, ut his in fugam actis stationem in acie caperet. Hæc pugnae auspicia certam Venetis victoriam polliceri videbantur; Italarum enim & Gallorum legiones intermixtæ dimicabant, omnique ex parte tumultuaria erat pugna, nec hostis ferme ab hoste amplius dignoscebatur: Verum, ut non raro præcipue in belli eventibus fieri amat, ubi exigui momenti casus maximas inducunt rerum vicissitudines, ac victoriæ palmam illi tribuunt, qui ejusdem spe votisque jamjam dejectus videbatur; ita etiam tam opportuno consilio bellica Gallorum tormenta inter arbuſta collocabantur, atque hostium oculis subducta tanto impetu in eorum agmina detonabant, ut Veneti, qui adversus vim adeo inexpectatam nullatenus sese præmunierant, plurimum deficerent, divisisque Phalangibus late perrumpendi viam præberent.

§. XXXIII.

Gallorum victoria.

Venetis igitur hinc inde dispersis cæsisque Gallorum equites, quibus necdum pugnandi copia obtigerat, hostium confusionem in rem suam vertebant, in eosque omni ex parte tanto furore irrumpebant,

pebant, ut Veneti ruptis eorum ordinibus summa, qua poterant, velocitate aufugerent, desideratis suorum quamplurimis, minor tamen erat equitum strages, utpote qui celeri fuga sibi consuluerunt; pedites vero ingenti clade affecti fuere & si Guicciardino fides, octo millia Italorum trucidata numerabantur, cunctaque eorum tormenta, ac sarcinæ victoribus in prædam cesserunt, Belliducum generosissimis qua captis, qua occisis. Gallorum in hoc prælio cæsorum numerus quingentos haud superabat, quos inter nullus ex prima Nobilitate occubuerat, quinimo nonnulli Scriptores hunc calculum ad ducentos duntaxat restringunt (*); nullumque Ducem genere conspicuum fuisse occisum affirmant. Denique Petilianus Comes fugæ sese dedit, Livianus vero lanceæ ictu oculo vulneratus, suoque equo excussus, in captivitatem abstractus est.

Sæcul. XVI.
A.C. 1509.

Guicc. lib. 8.

Cardin. Contraren. de rep. lib. 5.

§. XXXIV.

(*) Hanc victoriam Gallis tam exiguo suorum dispendio stetit, ægre Lector a partium studio alienus sibi persuadere, præcipue cum Heuterus lib. 7. cap. 7. & Gerardus de Roo lib. 12. p. 573. disertis verbis testentur, quod apud Gallos equitum jactura major fuerit quam apud Venetos, atque ad octodecim hominum millia utrinque desiderata, nonnulli prodiderint.